

آبونه شرا : هس پر ايجون
سنه لکي (٤٠٠) اتی ايلنی
(٢٢٥) ، ممالك اجنييه ايجون
سنه لکي (٤٥٠) ، اتی ايلنی
(٢٥٠) غروشدر.

نسخه سي ٧,٥ غروشدر .
سنه لکي ٥٢ عدددر .

اداره خانه : باب عالی جاده سنده
رشيد افندی خاندنه

اخطارات
آبونه بدلی پشيندر .

مسلكه موافق آثار مع المنويه
قبول اولنور . درج ايدله ين
يازير احاده اولماز .

والله يهدي من يشاء الى صراط مستقيم

باش محرر
محمد حاكف

صاحب و مدر
اشرف اديب


آبونه سي پيدلنده ايريجيه
غروش كوندر مليدر .

مكتوبلرك امضاري واضح
واوقوناقلي اولسي وآبونه
صره نومروسي محتوي
بولونسي لازمدر

ممالك اجنييه ايجون آبونه
اولنرك آدرس لرينك
فرانسجه يازلسي رجا اولنور .

پاره كوندردلديكي زمان نهيه
دائر اولديني بيلديرلسي
رجا اولنور

اتبعون اهدكم سبيل الرشاد



خالقته اعتماد تام ایله متحسدر . کندیسې هم دین ، هم عمل
ساحه سنده معظم بر تجدد وجوده کتیرمش بر رسول الهیدی .
مستر (استوبارت) دیورکه :

« استعمال ایدیه جک وساطتک ندرتی و وجوده کتیردیکی اثرک
عظمتی نظر اعتباره آلاق دیه بیلیرز که تاریخده حضرت محمدک نامی
قدر شمشعه نثار بر نام یوقدر ا »

(وایل) ده ، (بوس ورت اسمیت) ده عینی فکرده درلر .
عجبا دنیاده هیچ بر آدم دین ، اخلاق ، عادات اجتماعی ، آمال
و تمیلات ملیه ساحه سنده بویه شانلی بر انقلاب وجوده کتیرمش ، بر
ملتی باربارلنک الک چیرکین درکه سندن فکر و عملک الک یوکسک شاهقه سنه
یوکسکتمش باشقه بر انسان وارمیدر ؟

حضرت محمد ، پیغمبردی ، شارعدی ، قومانداندی ، سیاسیدی ،
متفکر دی . بونلرک هیسې جامع باشقه ذواتده کلشدر . فقط هیچ
بری حضرت محمدک پایدیغی پایامشدر . اللهم صل علی محمد و آله .
س . م . مسیحی قهرای

یکی حقوق عائد

دومسی مقننه مطالعه

۵

« ۳۸ — ماده : اونایی یاشنی اکال ایتمه مش اولان صغیر و صغیره ناک
هرکیم طرفندن اولورسه اولسون عقد نکاحی باطلدر . »

بوماده ، احکام فقهیه مزه مخالفدر . دوردنچی و بشنهجی ماده لر
حقننده درمیان ایتدی کمز مطالعه صرعه سنده صرض ایدلیدی و جهله
حافل و بالغ اولان کیمسه لرک عقد نکاحلری ، شرعاً صحیح
ونافذدر . ولوکه بونلر هنوز اونایی یاشارنی اکال ایتمش اولماسینلر .
بالغ اولیانلرک عقد نکاحلری ایسه تفصیله تابعدر . شویله که : غیر ممیز
بولونان صغارک بالذات عقد ایدیه جکلری نکاحلری باطلدر ، بالاخره
ولیلری اجازت ویرسه دخی بونکاحلر صخته انقلاب ایتز ، چونکه
باطله اجازت لاحق اولاماز . ممیز بولونان صغارک بالذات عقد ایدیه جکلری
نکاحلری ایسه ولیلرینک اجازتنه موقوف بولونور . فقط کرک ممیز
اولسون و کرک اولماسین بر صغیر و یا صغیرنک ولیلری طرفندن عقد
ایدیه جک نکاحلری صحیح ونافذدر . بونک خلافت اولان اقوال ،
نصه ، اجماع امته مخالف اولدیغندن شایان قبول اولاماز .

بناء علیه اشبو اوتوز سکزنهی ماده نک حکمی بو باده کی احکام
شرعیه مزله قابل تألیف دکلدر . بو نکاحک باطل عد ایدیه سندن
تولد ایدیه جک محذورات شرعیه بک چوقدر . فرض ایدیکز که اون بر

یاشنده بولونان بر ارکک و یا قیز چوجونھی مراسم قانونیه سی داخلنده
اولقسزین و لیسې معرفتیه تزویج ایدیلش ، آرهدن برخیلی سنه لر
کچمش ، بو ازدواجک ثمره خیریه سی اولقی اوزره بر قایچ چوجق
دنیا به کلش ، شیمیدی بری قیام ایدیه رک بو نکاحک بطلاننی ادما
ایدیور ، بویولده بر حکم استحصالنده نائل اولیور . آرتق دوشونمیلی ،
زوجینک یینی — آرهلرنده کی رابطه مشروعه نک دوامنه رغماً — ناصل
تفریق ایدیه جک ؟ بونلردن بری وفات ایتمش ایسه دیکری توارندن
ناصل محروم بیراقیله جق ؟ یابونلرک چوجوقلری نه اولاجق ؟ بونلرک
نسبیلری قبول ایدیلیره رک کندیلری حقوق بنوتدن ناصل محروم
ایدیه جک ؟ ایشته بوماده ایله آتیا کوره جکمز دیکر بر ماده بو کبی
داها برچوق محذوراته میدان ویریور .

« ۳۹ — ماده : اون سکز یاشنی اکال ایتمه مش اولان خاطب ایله
اون یدی یاشنی اکال ایتمه مش اولان مخطوبه نک بالاستننا حاکمک مساعده سی
و ولینک اذنی اولقسزین عقد نکاحی فاسددر . »

بوماده ده احکام شرعیه مزه توافق ایتیور . اولجده ده بیان اولوندی
اوزره احکام فقهیه مزه نظراً اون یدی ، اون سکز یاشارنی اکال
ایتمه مش اولان کیمسه لر اکر حافل و بالغ ایسه لر عقد نکاحلری هیچ
بر کیمسه نک اذن و اجازتنه متوقف اولقسزین صحیح و نافذ اولور .
ا کر هنوز بالغ دکلسه لر عقد نکاحلری یالکیز ولیلرینک اذن
و اجازتنه توقف ایدر ، بو نکاحلرک صحت و نفاذی ایچون نه حاکمک ،
نده باشقلرینک اذن و موافقه شرط دکلدر .

بناء علیه بو کبی نکاحلرک فاسد عد ایدیه سی احکام فقهیه مزله
قابل تألیف اولاماز .

آنجا قی شونی صرض ایدیم که اشبو لایحه قانونیه ده قبول ایدیلن
فاسدلر ایله شرعاً معین اولان فاسدلر بیتنده ماهیه فرق واردر . احکام
شرعیه مزه نظراً فاسد اولان بر عقد نکاح ؛ لاحق اولاجق بر اجازت
ایله صخته انقلاب ایدیه مز . حال بوکه لایحه نک (۵۴) نهی ماده سنه کوره
انقلاب ایدیه بیلور ا .

مع مافیه فاسد نه ماهیتده تلقی ایدیلش اولورسه اولسون اشبو اوتوز
طقوز نهی ماده ده بیان اولونان نکاحلرک فاسد عد ایدیه سی ماده
سابقه صرعه سنده تعداد اولونان محذورات شرعیه یی مع زیاده انتاج
ایدیه جکی جهتله شرعاً اصلاً شایان تصویب اولاماز .

« ۴۰ — ماده : سن ازدواجه واصل اولان خاطب ایله مخطوبه نک سن
رشد واصل اولش بولونماقلری حالد اشبو قانونک آلتیجی ماده سی موجبیه
ولیلرینک معلوماتی و حاکمک اذنی اولقسزین نکاحلری صحیحدر و فقط لازم
اولماز . »

بوماده ده اطلاقه نظراً احکام فقهیه مزه غیر موافقدر . بوماده به

نظراً اون سکنز یاشنده بولونان بالغ ، اهلیت کامله یی حائز بر ارکک چوجوونک نفسی ایچون عقد ایتدیکی بر نکاح - مجرد حین عقدده سن رشنه واصل اولمش بولونامسی بهانه سیله - ولیسی طرفندن فسح ایتدیریله بیله جک ؛ حال بوکه احکام شرعی مزه نظراً بونکاح ، صحیح ولازمدر ، بویله بر فسح تهلکه سینه معروض دکادر . بوباید آلتنجی ماده حقنده کی مطالعات مزه مراجعت ایدیلل در .

« ۴۱ — ماده : مجنون ایله مجنونله هرکیم طرفندن اولورسه اولسون عقد نکاحی باطلدر . »

بو ماده احکام فقهیه مزه توافق ایتدور . یدنجی ماده صره سنده یازدیغمز احکام فقهیه به ارجاع نظر اولونور ایسه بو مسئله تنور ایدر .

« ۴۲ — ماده : عته و بلاعت امهاتک ولینک اذنی و حاکمک مساعده سی اولمکسزین عقد نکاحی فاسددر . »

بو ماده ده احکام فقهیه مزله قابل تألیف دکادر . سکنزنجی ماده صره سنده عرض اولوندینی اوزره احکام شرعی مزه نظراً معتوه ایله معتوه نیک نکاحاری یالکیز ولیرینک اذنه ، اجازته توقف ایدر ، حاکمک مساعده مخصوصه سینه توقف ایتدور . ولایت خاصه نیک ولایت عامه دن اقوی اولدینی قواعد حقوقیه مزنددر . بناء علیه ولی خاصی بولونان عته اربابنک نکاحنه ولایت عامه یی حائز اولان حکامک مداخله سی اساسات حقوقیه مزه منافیدر . بو ماده یه نظراً بزمتوه ویا معتوه نیک ، حاکمک مساعده سی استحصال ایدلمکسزین ولیسی طرفندن عقد ایدیلن نکاحی فاسد عد ایدیلرک تفریقاری جهته کیدیله بیله جکدرکه آرتق بونک محاذیر شرعی سینه آروجه ایضاحه حاجت یوقا

« ۴۳ — ماده : باشقه سنک منکوحه ویا معتده سیله ازدواج باطلدر . »
بو ماده اطلاقه نظراً شایان تدقیقدر . بوماده یه نظراً باشقه سنک منکوحه ویا معتده سیله وقوع بولان بر عقد نکاح مطلقاً باطلدر ، طرفین سبب بطلان کرک واقف اولسونلر ، کرک اولماسینلر . آتیباً کوره جکمز بوماده یه نظرآده اکر بو عقد وقتیله بر مأمور رسمی حضورنده اجرا ایدیلش و طرفین بیتنده تقرب دخی وقوع بولش ایسه اشبو تقرب اوزرینه عدت ، نسب و سائر ثابت اولور . فقط بویله بر مأمور حضورنده اجرا ایدیلش ایسه بونکله عدت واجب ، نسب و سائر ثابت اولماز . دیمک که باطل عد ایدیلن بر عقد ایله بعضاً نسب و سائر ثابت اولور ، بعضاً اولیور .

شیمدی بویکی ماده نیک ایجاباته کوره بر مسئله تفریع ایدلم . فرض ایدیکز که بر قادین سنه لردنبری غائب بولونان زوجنک وفاقی قوتلی بر صورتده استخبار ایدرک مراسم قانونیه داخلنده اولمکسزین دیگر بر ارککله عقد ازدواجده بولونیور ، آرهدن سنه لر بکهرک

بو ایکنجی ازدواج نتیجه سنده بر قاچ چوجوق دنیا به کلیور ، بونلر بو حال اوزره امرار حیات ایدرکن وفات ایتدیکسنه قویاً قانع اولدقلری برنجی زوج بر کون چیقوب کلسینمی ؟ . شیمدی بو قادین هیچ بر عدت بکله مکسزین زوج اولنه اعاده اولوناجق ! صوکره بوجووقلرک نسبلی ضایع اولارق کندیلری اولاد غیر مشرع دن عدایدیله جک ا . اوت . . بویکی ماده یه کوره بو چوجووقلر بویله بر فلا کته معروض قالاچقلر ا . آرتق بونک نه قدر موافق اولاجغنی دوشونملی ا . حال بوکه علویت و معدلتی تقدیردن مع الناسف بک چوق عاجز بولوندیغمز احکام مبعجله شرعی مزه نظراً بویله بر فلا کته امکان یوقدر .

کتب فقهیه مزدن درالختارده ، بحررائقه ، بدایعه مندرج اولان شواوچ مسئله شرعی به بر کره باقلم :

۱ — : باشقه سنک منکوحه سیله بیلمیه رک وقوع بولان عقد نکاح ، فاسددر . بناء علیه بونکاح اوزرینه تقرب وقوع بولورسه عدت واجب ، نسب ثابت اولور . شویله که : اکر چوجوق وقت نکاحدن اعتباراً لا اقل آلتی آی تمامنده تولد ایدرسه نسبی زوج نایدن ثابت اولور . اکر بومدتدن اقلده تولد ایلرسه نسبی زوج اوله هاند بولونور . چونکه بو حاله علوقک برنجی زوجدن اولدینی تین ایدر .

۲ — : باشقه سنک منکوحه سیله عن علم وقوع بولان عقد نکاح ، باطلدر . بناء علیه بو عقد اوزرینه واقع اولان تقرب ، زنادن معدود اولدیغدن بونکله نسب ثابت ، عدت واجب اولماز .

۳ — : باشقه سنک معتده سیله بیلمکسزین عقد ایدیلن نکاح ، فاسددر . بناء علیه بونکاح اوزرینه تقرب وقوع بولورسه عدت واجب و حین تقریدن اعتباراً لا اقل آلتی آی تمامنده تولد ایدرک چوجوونک نسبی زوج نایدن ثابت اولور . فقط بو نکاح بیله بیله عقد ایدیلش اولدینی تقدیرده نظر اولونور : اکر چوجوونک نسبی زوج اولدن ممکن الثبوت ایسه زوج نایدن ثابت اولماز . اما ممکن الثبوت دکلسه زوج نایدن ثابت اولور ، ضیاع نسبه جواز ویرلر .

ایشته کورولیورکه احکام فقهیه مزه نظراً باشقه سنک منکوحه ویا معتده سیله ازدواج ، علی الاطلاق باطل ، ضیاع نسبی مستلزم دکادر . بوازدواج کرک بر مأمور مخصوص حضورنده عقد ایدیلش اولسون وکرک اولماسین .

« ۴۴ — ماده : اون بشنجی ماده ده تعداد اولونان شرائطه توفیقا ، حاکمک مساعده سی استحصال ایدیله رک عقد اولونان ایکنجی نکاح ، باطلدر . »

بو ماده ده احکام منیفه شرعی مزله قابل تألیف دکادر . دیمک که برکیمسه ضرورتی وعدالته اهلیتی اثبات و حاکمک مساعده سی استحصال ایتکسزین ایکنجی بر قادینله ازدواج ایدرسه بوازدواج - صحت شرعی - سنه رغماً - نظر قانونده کائن لم یکن عد ایدیله جک ، بوازدواج اوزرینه

جملری ممنوع اولان ایکی قادیندن بری تحت نکاحنده ایکن ، ایکنجیسیله عقد ابتدکی نکاح باطلدر . »

بوماده به نظر آ برکیمسه نسباً و یا رضاعاً یکدیگرینه محرم بولونان ایکی قادینی تحت نکاحنده جمع ایتسه ایکنجیسیله عقد ابتدکی نکاح باطل اولوب حقیقده آتیا کوره جکمز ماده مخصوصه احکامی جریان ایدره . حال بوکه بحر ائقده ، فتاوی هندیده بیان اولوندی اوزره بو نکاح احکام فقهیه مزه نظراً فاسددر ، بناء علیه بونکاح اوزرینه تقرب وقوع بولماش ایتسه حقیقده احکام نکاح جاری اولماز ، فقط تقرب وقوع بولماش ایتسه عدت واجب ، مهر مثل لازم ، نسب و حرمت مضاهمه ثابت اولور .

بو نکاحک فاسد اولسی شبهه یوق که حکمت و مصلحته دها موافقدر . ذاتاً بویله بر نکاح ، علی الاکثر بر اثر خطا اولقی اوزره واقع اولابیله . مثلاً بر شخص متأهل اولدینی حلاله دیگر بر قادینله ازدواج ایدره ، آرده دن اوزون بر مدت کچر ، بو ایکنجی قادیندن دنیایه چوجوقلری کلیر ، بالاخره زوجهلری آرده سنده رضاع طریقله حرمت موجود اولدیفنه مطلع اولور . شیمدی ایکنجی نکاحک حرمت شرعیه سی آکلاشیلمش اولدیفندن ایکنجی زوجه سندن در حال افتراق ایتیمسی ایجاب ایدره . بو حلاله بو ایکنجی زوجه به مهر نامیله برشی ویریلیمسی ؟ بوندن تولد ایتش اولان چوجوقلرک نسبلی ضایعی اولسون ؟ ایتسه احکام فقهیه مزه نظراً بوکی محذوراتک تحدیثه امکان یوقدره ، شونی ده علاوه ایدم که برکیمسه ایچون نسباً و رضاعاً یکدیگرینه محرم بولونان ایکی قادینی تحت نکاحنده جمع ایتک جائز اولمادیکی کبی بونلردن برینک عدتی نهایت بولمادن دیگر یله ازدواج ایتکده جائز دکدر . حال بوکه لایحه قانونیه ده بومسئله مسکوت عنه بیراقیلمشدر .

« ۴۶ — ماده : نکاحلرینک ممنوعیتی اشبو قانونک اونجی و اون برنجی و اون آلتنجی و اون یدنجی ماده لرده بیان اولونان قادینلردن بریله عقد ایدیلن نکاح ، باطلدر . »

بوماده ایله احکام حایه شرعیه منی بیننده بر مقایسه یابایلمک ایچون بوماده نك احتوا ابتدکی مسائلی آری آری نظره آلمق ایجاب ایجاب ایتکده در .

۱ — : ماده به نظر آ برارکک ایله بینلرنده قرابت نسبی بولونان ذی رحم محرم قادینلرک نکاحی باطلدر . احکام فقهیه مزه کلنجه بو نکاح امام اعظم خضر تهرینه کوره فاسددر . بناء علیه بونکاح اوزرینه تقرب وقوع بولماش ایتسه عدت واجب ، مهر مثل لازم ، نسب ثابت اولور . امام یوسف و محمد کوره بو نکاح باطلدر . بنابرین بونک اوزرینه تقرب وقوع بولسون بولماسین عدت کبی ، ثبوت نسب کبی احکام ترتب ایتمز .

احکام نکاح ترتب ایتمه چک ، سنه لرجه بر آرده یاشایارق مسعود بر مائه حیاتی کچیرمش اولان زوجیندن هر هانکی بری وفات ایتسه دیگری آکا وارث اولامایه حق ، شاید بونلردن و یا سائر علاقه دارلردن بری محکمه به بالمراجعه خلاف قانون عقد ازدواجده بولوندقارندن طولانی بینلرنده کی رابطه زوجیتک بطلانی ادعا ایتسه در حال محکمه طرفندن او یولده حکم استحصال ایدم بیلچک ، قادین ده همان قالقوب باشقه بر ارککله تأسیس زوجیته صلاحیتدار بولوناجق .

عجبا ایکنجی بر نکاحک وقوعی تحدید ایچون بوقدر مفاسد شرعیه یی مستلزم اولان آغیر بر مؤیده وضعی ناصل تصویب ایدیله بیلر ؟ . احکام اساسیه مزه کوره ایکنجی بر نکاحک مشروعیتی ، صحت و نفاذی بویله بر طاقم قیود و شروط ایله مقید میدره ؟

طوغریسی قانونلر افرادک اهلیت حقوقیه سی ، حریت تصرفیه سی بویله کیفه مایشاه تقید ایتمه میدره . افرادک حییات مشروعیه سی رنجیده ایدن قانونلر نفوذ معنویدن محروم قالیر .

هیئت اجتماعیه حقیقده صوک درجه مضر اولان بر نیجه غیر مشروع مؤسسات واردر که هیچ بر ملنک قانونلری بو مؤسسه لری اورتیدن قالدیره میور . نیجه ثروتلری محو ایدن ، نیجه طائهلری طاغیدان ، نیجه آدملری زهرله یین ، نیجه کنجکلرک ناصیه عصمتی پک حجاب آور بر صورتده مؤبدلاً لکدار ایله یین بو مؤسسه لر دن افراد ملت منع ایدیله میور . آرتق تعدد زوجات اصولی کبی هر وجهله مشروع ، معقول اولان بر مؤسسه اجتماعیه نك منهی جهتیه کیتک ، بطلانیه قائل اولق ناصل موافق اولابیله ؟ .

عصرلردن بری توالی ایدن تجارب نتیجه سنده تحقق ایدیور که هر هانکی بر محیطده اولورسه اولسون ، ارککلرک بر طاقی برر زوجیه ایله اکتفا ایدم بیلچک بر قابلیت فطریه ده بولونیورلر ، بناء علیه بو قبیل ارککلر کندیلر ایچون ایکی طریقندن برینی تعقیبه مجبوری کوریورلر ، یا ایکنجی بر قادینله رابطه زوجیت تأسیس ایدمک عقیفانه بر حالده یاشامق ، یا خود جوهر عصمتی پارچه لاش قادینلردن بریله غیر مشروع بر مناسبت وجوده کتیرمک سفیهانه بر حالده دمکذار حیات اولق .

ضرب محیطده تعدد زوجات اصولی جاری اولمادیغندن بر جوق ارککلر بالمجبوریه ایکنجی طریقته سلوک ایدیورلر . بزم محیطمزدده بو اصول منع ایدلنکی کون ایکنجی طریق ایچون بویوک مقیاسده بر قیو آجیلماش اولاجنی شبهه سزدر . آرتق بویکی طریقندن هانکی سنک دها نزه ، دها مفید اولدیفنی افکار سلیمه اربابنک قناعتنه ترک ایدره ز .

« ۴۵ — ماده : برکیمسه نك اون اوچنجی ماده موجبجه ، نکاحنده

اجتماعیات

اجتماعی انضباط نسلی

مدنی الطبع اولہرق خلق بیورولان بشرک حیات فردیہ سندہ بر جوق مہالک و موانعہ قارشی مقاومت و ضرورات و احتیاجاتی تطہین ایدہ یلمسی ایچون شخصی مساعینک کافی کلاسیکی جہتلہ حیات اجتماعیہ قارشی تمایل حصولہ کلن و بوسایہ فردک باشہ چیقارامیہ جنی ایشار مشترک اشخاصک و مشترک مساعی و مفکرہ لری قوتیلہ جن حصولہ ایصال اولمشدر . احتیاجاتک کیندکچہ تنکثر و تنوعی و اولسبتدہ مہالکک ترایدی ابتدائی جمیتلری تکاملہ سوق ایتش و احتیاجاتک ناقابل مقاومت تأثیراتیلہ یواش یواش بیولک جمیتلر تأسس ایتشدہ . ایلک جمیتلرک صورت تشکل و تأسسلری دقتلہ تدقیق اولورسہ کورولہ جکدرکہ ، بر جوق انسانلرک بر آرایہ طوپلانلرندن متصدہ ، احتیاجات بشریہ ایلہ مساعی اراشدہ بر توازن وجودہ کتیرہ یلمک ، انتظامی تأمین ایچون معین قواعدہ عمومک مراعاتی تأمین ایدہ یلمک ضرورتندن باشہ برشی دکلدہ . شو حالہ حیات اجتماعیہ نک ہر وقت و ہر عصر ایچون افادہ ابتدیکی معنا ، توازن و انتظام اساسلرینک تأسسنہ معطوفدر . دیلک کہ ، ہیئت اجتماعیہ نک تکامل و ترقی و تہوین احتیاجاتی ایچون ، تعبیر حقوقیسیلہ نفع عام ایچون ہر کسک رطابت ایتسی ایجاب ایدن بر طاقم قواعد و اصوللر لازمدر . چونکہ بواسوولرلہ فردی حیساتک فوقندہ دہا غیور ، دہا قوتلی ، دہا نفوذلی عمومی بر حیاتک ، بالنتیجہ رفاه و سعادت شخصیہ یی متکفل تکاملی تأمین اولنجقدہ . بو غایہ نک حصصولی ہیئت اجتماعیہ آراشدہ اجتماعی بر انتظام ، اجتماعی بر انضباط متوقف اولدینی شہہ سزدر .

شوحالہ اجتماعی انضباط ندر ؟ . . . انضباط اجتماعی ، حیات جمعی ، رفاه عمومی یی ، حریت و عدالتی ، انکشافات مدنیہ یی تہلکک دوشورمن ، جمیت حیاتک نوہسنی تشکیل ایدن عائلیہ یی سارسان ، بشریتی مدنیتدن انفرادہ ، وحشتہ سوق ایدن اسباب و عواملہ قارشی ہیئت اجتماعیہ یی قوتلی ، رصین و متساندہ بولندیران اساسلرہ عمومک اطاعتی و تردیادہ قارشی مقاومتیدر .

انضباط اجتماعیہ نک اساسلری روحاردہ ، وجدانلرہ یرایدن معنوی مفکورہ لرلہ حیات مجادلہ سندہ سعادت تأمین ایدن مادی و اقتصادی ایشاردہ مندجدر . اجتماعی توازنک ایلک تمنای ، اجتماعی انضباطک ایلک باصاماغنی ایمان و دیندارلقی تشکیل ایدر . چونکہ قوہ تأییدیہ لرک الک تأثیر لیمسی بالکثر وجدانلرہ ایز براقانلریدر . قانونی قوہ تأییدیہ لردن ہرہانکی برسیدلہ قورتلقی امکانی ہر وقت ایچون موجوددر . لکن عدالت

۲۔ : مادہ یہ نظرآ برارکک ایلہ بینلرندہ رضاعاً قرابت بولونان قادیلرک نکاحی باطلدر . احکام فقہیہ مزہ کلنچہ امام اعظم ایلہ امامین حضراتی بیشتدہ کی اختلاف بومستلہ دہ موجوددر .

۳۔ : مادہ یہ نظرآ بر ارکک ایلہ آرمہ لرنده مصاصرت بولونان قادیلرک نکاحی باطلدر . احکام فقہیہ مزہ کلنچہ ائمہ حنفیہ آردسندہ کی مذکور اختلاف بومستلہ دہ جاریدر . چونکہ نسب جہتیلہ مجارمدن اولان قادیلرک نکاحی ایلہ رضاع ، یا مصاصرت سبیلہ مجارمدن اولان قادیلرک نکاحی شرعاً عین احکامہ تابعدر . بناءً علیہ بو نکاح اوزرینہ تقرب وقوع بولمش ایسہ امام اعظمہ کورہ عدت واجب ، مہر لازم ، نسب ثابت اولور ، امامینہ کورہ ارلماز .

بو مسائلہ امام اعظم حضرتلرینک قوی حکمت و بصاحتہ دہا موافق کورولمکدہدر . ذاتاً بو کی نکاحلر علی الاکثر بر اثر خطا و غفلت اولق اوزرہ عقد ایدلمش اولابیلرہ بونک امثال تاریخہ سی جوقدر . اشبو قرق آلتنجی مادہ دہ ہر نہ قدر بونکاحلرہ باطن دینیلور ایسہ بونلرک حقندہ آتیاً کورہ جکمز بر مادہ موجبچہ نکاح فاسد احکامی جازی اولابیلور .

۴۔ : مادہ یہ نظرآ بر کیمسہ نک آیری آیری زمانلردہ بر ویا اوج طلاق ایلہ اوج دفعہ بوشادینی قادین ایلہ عقد ایدرجکی نکاح باطلدر . بناءً علیہ بونکاح حقندہ مادہ مخصوصہ احکامی جاری اولور . احکام شرعیہ مزہ کلنچہ بر کیمسہ دفعۃً و یا متفرقاً اوج طلاق ایلہ بوشادینی بر قادین ایلہ تحلیل شرعی بولونمادچہ بر دہا عقد نکاحدہ بولوناماز . بو نکاح ، حرامدر . شاید بولورسہ بو عقدہ بناءً وقوع بولاجق تقرب ایلہ امام اعظمہ کورہ نسب ثابت اولور ، امامینہ کورہ اولمازہ فقط اوج طلاق ایلہ تحث ایدن حرمت موقتہ شرائط شرعیہ سی دائرہ سندہ زائل اولدقدن صوکرہ طرفین یکیدن عقد نکاحدہ بولونابیلرلر . بونک مشروعیتی صراحت قرآنیہ ایلہ ثابتدر . بناءً علیہ مادہ نک بومستلہ یہ ٹاند حکمی احکام شرعیہ مزہ مخالفدر .

۵۔ : مادہ یہ نظرآ بر کیمسہ نک آیری آیری حکملر ایلہ اوج دفعہ کندیسنہ تفریق ایدلمش بولونان بر قادین ایلہ بر دہا عقد ایدرجکی نکاح باطلدر . احکام شرعیہ مزہ کلنچہ بو نکاحک حرمتی موقدر ، بو حرمت زائل اولدقدن صوکرہ تجدید نکاح جائز اولور . بناءً علیہ مادہ نک بومستلہ یہ حقندہ کی حکمی دہ احکام شرعیہ مزہ قابل تألیف دکلدہ . مع هذا حاکم طرفندن واقع اولاجق ہر تفریق طلاق ماہیتندہ اولوب عدد طلاق تنقیص ایدمیہ جکی و برنجی ، ایکنجی تفریق سبیلہ تحث ایدہ ییلہ جک طلاقک باشقہ بر نکاح ایلہ ازالہ ایدلمش اولوب اولامسی دہ شرعاً آیری بر مسئلہدر . حال بو کہ مواد قانونیہ دہ بونلر ہیچ نظر اعتبارہ آلمامش .